

Član 6.

U članu 14. stavu 1. iza riječi: "poljoprivredni inspektori" dodaju se riječi: "i fitosanitarni inspektori".

Član 7.

Iza člana 16. dodaje se član 16a. koji glasi:

"Član 16a.

(Ovlaštenja fitosanitarnog inspektora)

Fitosanitarni inspektor, na osnovu ovog zakona i propisa donesenih na osnovu ovog zakona, ima sljedeća ovlaštenja:

- vršenje pregleda dokumentacije koja prati pošiljku prilikom uvoza, pregled pošiljke, pakovanja i prijevoznog sredstva;
- provjerava da li su mineralna đubriva upisana u Registar;
- provjerava da li je uvoznik upisan u Registar distributera ili uvoznika mineralnih đubriva;
- provjerava da li su mineralna đubriva označena na propisan način;
- provjerava da li je proizvođač, odnosno uvoznik dostavio nalaz analize đubriva i mišljenje kojim se dokazuje da je amonij-nitratno đubrivo s visokim sadržajem azota zadovoljilo testiranje otpornosti na eksplozivnost;
- uzima uzorke mineralnih đubriva prilikom obavezne kontrole pri uvozu bez naknade vrijednosti uzoraka;
- obavlja i druge potrebne radnje za provođenje ovog zakona i propisa donesenih na osnovu ovog zakona."

Član 8.

Iza člana 17. dodaje se član 17a. koji glasi:

"Član 17a.

(Mjere fitosanitarnog inspektora)

U obavljanju inspeksijskog nadzora po ovom zakonu i propisima donesenim na osnovu ovog zakona, fitosanitarni inspektor može:

- privremeno zabraniti uvoz mineralnih đubriva ako je potrebno otkloniti nepravilnosti na pošiljci ili na popratnoj dokumentaciji;
- narediti otklanjanje nepravilnosti ako utvrdi da Zakon o mineralnim đubrivima nije primijenjen ili je nepravilno primijenjen;
- zabraniti uvoz i narediti vraćanje pošiljke;
- zabraniti uvoz i oduzeti pošiljku;
- zabraniti promet uvezene količine mineralnih đubriva ako rezultati laboratorijskog ispitivanja nisu u skladu s ovim zakonom i propisima donesenim na osnovu njega;
- narediti povlačenje iz prometa uvezene količine mineralnih đubriva."

Član 9.

Član 18. mijenja se i glasi:

"Član 18.

(Kaznene odredbe)

- Novčanom kaznom u iznosu od 3.000 KM do 50.000 KM kaznit će se za prekršaj pravno lice ako:
 - proizvodi, uvozi ili stavlja u promet mineralno đubrivo koje ne ispunjava propisane uslove u pogledu minimalnog kvaliteta (član 4. stav 1.);
 - mineralno đubrivo u prometu neopravdano označi oznakom "EC FERTILIZER" (član 4. stav 3.);
 - mineralno đubrivo drži u uslovima koji ne osiguravaju održavanje njegovog kvaliteta i suprotno detaljnijim uslovima u pogledu skladištenja i rukovanja mineralnim đubrivima (član 4a.);
 - stavlja u promet mineralno đubrivo, a za to nema potrebno rješenje (član 5. stav 3.);
 - vrši promet mineralnih đubriva, a nije upisan u Registar distributera i uvoznika (član 6. stav 1.);
 - vrši uvoz mineralnih đubriva, a nije upisan u Registar distributera i uvoznika (član 6. stav 2.);

- stavlja u promet amonij-nitratno đubrivo koje nije zapakirano (član 7. stav 1.), i ako stavlja u promet amonij-nitratno đubrivo koje ne ispunjava propisane posebne uslove (član 7. st. 2. i 3.);
 - stavlja u promet mineralno đubrivo koje nije označeno na propisan način i ako mineralno đubrivo stavlja u promet u suprotnosti s propisanim detaljnijim uslovima o načinu pakiranja, deklariranja i označavanja (član 9.);
 - nadležnim organima ne dostavi potpune podatke o prometu mineralnih đubriva u propisanom roku (član 10. stav 1.);
 - upotrebljavaju uzorke mineralnih đubriva koji ne ispunjavaju propisane uslove u pogledu minimalnog kvaliteta, bez dozvole Uprave (član 11. stav 1.);
 - upotrebljava mineralno đubrivo u suprotnosti s članom 12.;
 - inspektor ne omogući nesmetano obavljanje inspeksijskog nadzora na osnovu ovog zakona ili ga pritom ograničava ili mu ne da tražene dokumente, podatke, objašnjenja ili predmete (član 14. stav 2.).
- Za prekršaj iz stava 1. ovog člana kaznit će se i odgovorno lice u pravnom licu novčanom kaznom u iznosu od 2.000 KM do 20.000 KM.
 - Za prekršaj iz stava 1. ovog člana kaznit će se pojedinac ako obavlja samostalnu poslovnu djelatnost novčanom kaznom u iznosu od 2.000 KM do 20.000 KM.
 - Za prekršaj iz stava 1. ovog člana kaznit će se fizičko lice novčanom kaznom u iznosu od 1.000 KM do 10.000 KM."

Član 10.

Članovi 19. i 20. brišu se.

Član 11.

U članu 21. iza stava 1. dodaje se novi stav 2. koji glasi:

- Do imenovanja fitosanitarnih inspektora obaveznu kontrolu pošiljaka pri uvozu obavljaju:
 - u Federaciji Bosne i Hercegovine granični inspektori za zaštitu bilja;
 - u Republici Srpskoj republički poljoprivredni inspektori."

Član 12.

(Stupanje na snagu)

Ovaj zakon stupa na snagu osmog dana od dana objavljivanja u "Službenom glasniku BiH".

Broj 01,02-02-2-53/10
14. septembra 2011. godine
Sarajevo

Predsjedavajući
Predstavničkog doma
Parlamentarne skupštine BiH
Dr. **Denis Bećirović**, s. r.

Predsjedavajući
Doma naroda
Parlamentarne skupštine
Ognjen Tadić, s. r.

Temeljem članka IV.4.a) Ustava Bosne i Hercegovine, Parlamentarna skupština Bosne i Hercegovine, na 7. sjednici Zastupničkog doma održanoj 27. srpnja 2011. godine i na 5. sjednici Doma naroda održanoj 14. rujna 2011. godine, usvojila je

ZAKON**O IZMJENAMA I DOPUNAMA ZAKONA O MINERALNIM GNOJIVIMA**

Članak 1.

U Zakonu o mineralnim gnojivima ("Službeni glasnik BiH", broj 46/04), iza članka 4. dodaje se članak 4a. koji glasi: